



# MANUAL KHUTBAH JUMAAT



TAJUK ;  
MERAH KEBERKATAN  
HARI JUMAAT



ISLAMIC SALVAGEUR OBEYDENCE

Unit Khutbah  
Bahagian Pengurusan Masjid  
Jabatan Agama Islam Selangor





**"MERAIH KEBERKATAN HARI JUMAAT".1**

<p>الْحَمْدُ لِلَّهِ الْقَائِلِ: يَتَأَيُّهَا الَّذِينَ ءَامَنُوا إِذَا نُودِيَ لِلصَّلَاةِ مِنْ يَوْمِ الْجُمُعَةِ فَاسْعَوْا إِلَىٰ ذِكْرِ اللَّهِ وَذَرُوا الْبَيْعَ ذَلِكُمْ خَيْرٌ لَكُمْ إِنْ كُنْتُمْ تَعْلَمُونَ<sup>1</sup></p>	2
<p>أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَىٰ سَيِّدِنَا مُحَمَّدٍ وَعَلَىٰ آلِهِ وَصَحْبِهِ أَجْمَعِينَ</p>	3
<p>. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:</p>	4
<p><b>Muslimin yang dirahmati Allah sekalian,</b></p> <p>Marilah sama-sama kita terus istiqamah untuk meningkatkan keimanan dan ketaqwaan kita kepada Allah SWT dengan melaksanakan segala perintah dan suruhan-Nya serta menjauhi segala larangan dan tegahan-Nya. Semoga dengan demikian, kita sentiasa dinaungi dengan redha dan rahmat daripada Allah SWT.</p>	5
<p>Pada hari yang penuh keberkatan dan kemuliaan ini, marilah sama-sama kita menghayati khutbah yang bertajuk <b>"MERAIH KEBERKATAN DI HARI JUMAAT"</b>.</p> <p><b>Hadirin yang di rahmati Allah sekalian,</b></p>	6
<p>Setiap minggu pada hari Jumaat kita berkumpul di masjid, membuat pelbagai amalan seperti bersedekah, mendengar khutbah, bersolat dan beriktikaf di masjid, membaca al Quran dan sebagainya. Akan tetapi ramai juga yang masih leka dan lalai serta mengabaikan kemuliaan yang Allah berikan pada Hari Jumaat. Contohnya ada di kalangan kita sengaja datang lewat ke masjid, berbua-bual kosong, malah ketika khatib berkhutbah pun masih ada yang tidur dan bermain telefon, yang lebih mendukacitakan, masih ada diluar sana yang tidak hadir menunaikan solat fardhu Jumaat dan mengabaikannya.</p>	7

<sup>1</sup> al-Jumuah : 9.



<p>Apakah kita tahu betapa mulianya hari Jumaat di sisi Allah SWT? Mungkin ramai di kalangan kita tahu dan sedar bahawa Hari Jumaat adalah penghulu segala hari, hari Jumaat adalah hari yang diciptakan Nabi Adam Alaihis Salam, dimasukkan Nabi Adam ke dalam Syurga dan dikeluarkannya daripada Syurga dan tidak akan berlaku hari kiamat melainkan hari Jumaat. Mulianya Hari Jumaat ini sehinggakan terbit matahari pada pagi Jumaat, adalah sebaik-baik matahari berbanding hari-hari yang lain.</p>	8
<p>Ini telah dinyatakan sebagaimana hadis daripada Abu Hurairah Radhiallahu Anhu, bahawa Nabi SAW bersabda:</p> <p>خَيْرُ يَوْمٍ طَلَعَتْ عَلَيْهِ الشَّمْسُ يَوْمَ الْجُمُعَةِ ، فِيهِ خُلِقَ آدَمُ ، وَفِيهِ أُدْخِلَ الْجَنَّةَ ، وَفِيهِ أُخْرِجَ مِنْهَا ، وَلَا تَقُومُ السَّاعَةُ إِلَّا فِي يَوْمِ الْجُمُعَةِ</p>	9
<p><i>“Sebaik-baik hari apabila terbitnya matahari adalah pada hari Jumaat, padanya diciptakan Adam Alaihis Salam. Pada hari itu juga dimasukkan ke dalam syurga dan pada hari itu jugalah dikeluarkan dari syurga dan tidak akan berlaku Kiamat melainkan pada hari Jumaat”.</i></p> <p><i>(Riwayat Muslim).</i></p>	10
<p>Sesungguhnya Hari Jumaat adalah hari kebesaran umat Islam, Allah memuliakan Hari Jumaat melebihi Hari Raya Eidulfitri dan Eiduladha. Namun sayangnya ada yang masih leka dengan mengabaikannya sedangkan semua makhluk lain takutkan hari Jumaat.</p>	11



<p>Hadis dari Abi Lubabah Bin Abd Munzir Radhiallahu Anhu bahawa Rasulullah SAW telah bersabda :</p> <p>انَّ يَوْمَ الْجُمُعَةِ سَيِّدُ الْأَيَّامِ ، وَأَعْظَمُهَا عِنْدَ اللَّهِ ، وَهُوَ أَعْظَمُ عِنْدَ اللَّهِ مِنْ يَوْمِ الْأَضْحَى وَيَوْمِ الْفِطْرِ ، فِيهِ خَمْسُ خِلَالٍَ: خَلَقَ اللَّهُ فِيهِ آدَمَ ، وَأَهْبَطَ اللَّهُ فِيهِ آدَمَ إِلَى الْأَرْضِ ، وَفِيهِ تَوَفَّى اللَّهُ آدَمَ ، وَفِيهِ سَاعَةٌ لَا يَسْأَلُ اللَّهُ فِيهَا الْعَبْدُ شَيْئًا إِلَّا أَعْطَاهُ ، مَا لَمْ يَسْأَلْ حَرَامًا ، وَفِيهِ تَقُومُ السَّاعَةُ ، مَا مِنْ مَلِكٍ مُقَرَّبٍ وَلَا سَمَاءٍ وَلَا أَرْضٍ وَلَا رِيَّاحٍ وَلَا جِبَالٍ وَلَا بَحْرٍ إِلَّا وَهْنٌ يُشْفِقْنَ مِنْ يَوْمِ الْجُمُعَةِ</p>	12
<p><i>“Sesungguhnya hari Jumaat adalah penghulu kepada segala hari dan seagung-agung hari di sisi Allah yang mana keagungannya itu di sisi Allah lebih agung berbanding hari raya Aidiladha dan juga Aidilfitri. Ini kerana, pada hari tersebut terdapat lima perkara besar iaitu: Padanya diciptakan, diturunkan ke bumi dan diwafatkan Nabi Adam. Padanya juga terdapat satu masa apabila seseorang itu meminta sesuatu kepada Allah pasti akan diberikan kepadanya selagimana dia tidak meminta sesuatu yang haram. Padanya juga akan berlakunya Kiamat dan pada hari itu juga (hari Jumaat) tidak ada malaikat yang dekat dengan Allah, di langit, bumi, angin, gunung dan laut melainkan takut dengan keagungan hari Jumaat.”</i> (Riwayat Ibn Majah dan Ahmad).</p>	13
<p><b>Hadirin Sekalian</b></p> <p>Di dalam hidup ini, tentunya tidak ada manusia yang mahu dirinya menanggung rugi, seandainya peluang mengaut keuntungan terbentang luas di hadapan matanya. Malahan jika boleh, manusia mengharapkan peluang mengaut keuntungan sentiasa datang agar ia boleh berterusan memanfaatkan peluang keemasan tersebut. Demikianlah halnya dengan fadhilat di hari Jumaat.</p>	14
<p>Pada setiap hari Jumaat, bermula dari terbenamnya matahari petang semalam iaitu petang Khamis, sehinggalah masuknya waktu Maghrib pada petang ini, setiap muslim tidak kira muda atau tua, lelaki mahupun wanita, berpeluang merebut pelbagai kelebihan yang disediakan oleh Allah SWT pada hari Jumaat.</p>	15



<p>Di antara kelebihan hari Jumaat yang sering kita abaikan ialah waktu yang di makbulkan doa oleh Allah SWT. Daripada Abu Musa al-Asy'ari Radhiallahu Anhu, bahawa beliau mendengar Nabi SAW bersabda apabila beliau ditanya oleh Ibn Umar Radhiallahu Anhuma tentang waktu yang mustajab tersebut:</p> <p>أَسْمِعْتَ أَبَاكَ يُحَدِّثُ عَنْ رَسُولِ اللَّهِ صَلَّى اللَّهُ عَلَيْهِ وَسَلَّمَ فِي شَأْنِ سَاعَةِ الْجُمُعَةِ شَيْئًا؟ قَالَ: نَعَمْ! سَمِعْتُهُ، يَقُولُ: سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ: "هِيَ مَا بَيْنَ أَنْ يَجْلِسَ الْإِمَامُ إِلَى أَنْ تُقْضَى الصَّلَاةُ"</p>	16
<p><i>"Adakah kamu pernah mendengar ayahmu meriwayatkan hadis daripada Rasulullah SAW berkenaan satu waktu (mustajab) pada hari Jumaat?". "Ya, aku pernah mendengarnya". Aku telah mendengar Rasulullah SAW bersabda: "Ia adalah di antara duduknya imam (iaitu diatas mimbar) sehingga selesainya solat didirikan". (Riwayat Muslim).</i></p>	17
<p>Begitu juga hadis daripada Jabir bin Abdillah Radhiallahu Anhu, bahawa Nabi SAW bersabda:</p> <p>يَوْمُ الْجُمُعَةِ اثْنَا عَشْرَةَ سَاعَةً، لَا يُوجَدُ فِيهَا عَبْدٌ مُسْلِمٌ يَسْأَلُ اللَّهَ شَيْئًا إِلَّا آتَاهُ إِيَّاهُ، فَالْتَمِسُوهَا آخِرَ سَاعَةٍ بَعْدَ الْعَصْرِ</p>	18
<p><i>"Hari Jumaat mempunyai 12 jam, padanya terdapat satu waktu yang mana tidak ada seorang hamba yang meminta sesuatu kepada Allah SWT melainkan Allah SWT akan memberikan apa yang dimintanya itu kepadanya. Maka carilah waktu tersebut pada akhir waktu selepas asar".</i></p> <p><i>(Riwayat al-Nasa'ie).</i></p>	19
<p>Hadis yang dibacakan tadi jelas menunjukkan waktu-waktu yang mustajab pada hari Jumaat untuk berdoa. Sebagai hamba Allah yang banyak kelemahan dan kekurangannya sudah tentu mempunyai pelbagai hajat dan doa supaya dimakbulkan oleh Allah SWT, tetapi ruginya kita apabila ada peluang yang baik pada hari Jumaat ini namun kita hiasinya dengan kelalaian dan perbuatan yang tidak bermanfaat.</p>	20



<p>Kita juga digalakkan untuk memasuki masjid seawal yang boleh agar dapat menunaikan solat sunat dengan tenang serta mendapat tempat yang lebih selesa. Malahan, mereka yang masuk lebih awal, akan dicatat namanya oleh para malaikat yang menanti di pintu masjid. Malaikat-malaikat ini akan berhenti mencatat nama manusia apabila azan dikumandangkan.</p>	21
<p>Hadis daripada Abu Hurairah Radhiallahu Anhu katanya, sabda Rasulullah SAW:</p> <p>إِذَا كَانَ يَوْمُ الْجُمُعَةِ، كَانَ عَلَى كُلِّ بَابٍ مِنْ أَبْوَابِ الْمَسْجِدِ الْمَلَائِكَةُ، يَكْتُبُونَ الْأَوَّلَ فَأَلَّوْلَ. فَإِذَا جَلَسَ الْإِمَامُ طَوَّأَ الصُّحُفَ، وَجَاءُوا يَسْتَمِعُونَ الذِّكْرَ.</p>	22
<p><i>"Apabila tiba hari Jumaat, akan ada malaikat di pintu-pintu masjid yang mencatat nama orang-orang yang datang awal. Sehingga apabila imam duduk sebelum membaca khutbah, mereka akan menutup lembaran (berhenti mencatat nama) dan mereka mendengar khutbah."</i></p> <p>(Riwayat Al-Bukhari).</p>	23
<p><b>Hadirin yang dirahmati Allah,</b></p> <p>Namun di sebalik fadhilat-fadhilat tersebut, terdapat beberapa perkara yang perlu kita awasi dan berhati-hati, agar ganjaran yang kita dambakan tidak menjadi sia-sia. Sewaktu kita sedang berada di dalam masjid, kita perlulah menjaga adab-adab dan mengekalkan ketenangan suasananya. Malah, kita telah diingatkan oleh Rasulullah SAW agar tidak melakukan perkara-perkara yang sia-sia ketika mana khatib sedang menyampaikan khutbah.</p>	24
<p>Hal ini telah disebut dalam sebuah hadis daripada Abu Hurairah Radhiallahu Anhu bahawa Rasulullah SAW bersabda :</p> <p>إِذَا قُلْتَ لِصَاحِبِكَ: أَنْصِتْ، يَوْمَ الْجُمُعَةِ وَالْإِمَامُ يَخُطُبُ، فَقَدْ لَغَوْتَ</p> <p><i>"Apabila kamu berkata kepada kawanmu 'diamlah' ketika khatib sedang berkhotbah, maka sesungguhnya kamu telah lakukan perkara yang sia-sia."</i></p> <p>(Riwayat Ibn Majah).</p>	25



<p>Lihatlah para hadirin sekalian, hanya menegur orang lain dengan perkataan 'diamlah' pun sudah merugikan pahala kita, maka bayangkan seandainya kita masih bersembang-sembang atau berbual-bual kosong di belakang dan diluar sana? Tidakkah kita menyedari betapa kehadiran kita di hari ini menjadi sia-sia sahaja?</p> <p><b>Muslimin yang dirahmati Allah,</b></p>	26
<p>Mengakhiri khutbah pada kali ini, terdapat beberapa perkara penting yang boleh kita ambil sebagai pengajaran dan penghayatan. Antaranya adalah:</p> <ol style="list-style-type: none"><li>1. Umat Islam perlulah menyedari dan meyakini serta menginsafi bahawa hari Jumaat adalah hari yang penuh keberkatan dari Allah SWT bahkan terjadinya kiamat juga pada hari Jumaat.</li><li>2. Umat Islam hendaklah bersegera merebut peluang dan ganjaran pahala dari pelbagai amalan yang menepati syariat pada hari Jumaat.</li><li>3. Umat Islam perlulah menjadikan setiap hari itu lebih baik dari hari-hari sebelumnya agar terus menjadi umat Islam yang cemerlang dan berjaya.</li></ol>	27
<p>أَعُوذُ بِاللَّهِ مِنَ الشَّيْطَانِ الرَّجِيمِ</p> <p>قُلْ هَلْ نُنَبِّئُكُمْ بِالْأَخْسَرِينَ أَعْمَالًا ﴿١٣﴾ الَّذِينَ ضَلَّ سَعِيَّهُمْ فِي الْحَيَاةِ الدُّنْيَا وَهُمْ يَحْسَبُونَ أَنَّهُمْ مُحْسِنُونَ صُنْعًا ﴿١٤﴾</p>	28
<p>"Katakanlah (wahai Muhammad): "Mahukah Kami khabarkan kepada kamu akan orang-orang yang paling rugi amal-amal perbuatannya?. (Iaitu) orang-orang yang telah sia-sia amal usahanya dalam kehidupan dunia ini, sedang mereka menyangka bahawa mereka sentiasa betul dan baik pada apa sahaja yang mereka lakukan".</p> <p>(al-Kahfi : 103-104).</p>	29
<p>بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.</p>	30
<p>أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.</p>	31



## KHUTBAH KEDUA

1	الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
2	وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
3	أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.
4	Marilah sama-sama kita bertakwa kepada Allah SWT dengan melakukan ketaatan kepada-Nya dan menjauhkan diri daripada perbuatan keji dan maksiat.
5	إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
6	اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
7	اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.
8	اللَّهُمَّ أَعِزِّ الْإِسْلَامَ وَالْمُسْلِمِينَ، وَأَهْلِكَ الْكُفْرَةَ وَالْمُبْتَدِعَةَ وَالْمُشْرِكِينَ.





اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ تَحْفَظَ بَعَيْنِ عِنَايَتِكَ الرَّبَّانِيَّةَ، وَتَحْفَظَ وَقَايَتِكَ الصَّمَدَانِيَّةَ،	9
جَلَالَةَ مَلِكِنَا الْمُعْظَمِ، سُلْطَانَ سَلَاطِينِ، سُلْطَانَ شَرَفِ الدِّينِ ادریس شاه الحاج ابن المرحوم سُلْطَانَ صَلَاحِ الدِّينِ عبد العزيز شاه الحاج.	10
اللَّهُمَّ أَدِّمِ الْعُونَ وَالْهَدَايَةَ وَالتَّوْفِيقَ، وَالصِّحَّةَ وَالسَّلَامَةَ مِنكَ، لَوْلِيِّ عَهْدِ سَلَاطِينِ، تَغْكُو أَمِيرِ شَاهِ ابْنِ السُّلْطَانَ شَرَفِ الدِّينِ ادریس شاه الحاج،	11
فِي أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطْلُبُ عُمْرَهُمَا مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى وَالرِّشَادِ.	12
Ya Allah, kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga Zakat Selangor, mewakaf harta melalui Perbadanan Wakaf Selangor dan menginfakkan harta pada Tabung Infak Jariah Umat Islam Selangor (TIJARI) dan kepada anak-anak yatim melalui Yayasan Islam Darul Ehsan (YIDE).	16
Ya Allah! Kurniakanlah kepada kami rezeki yang halal lagi diberkati, jauhilah kami daripada perbuatan rasuah dan salah guna kuasa kerana ini adalah suatu pengkhianatan kepada amanah yang diberikan.	17



اللَّهُمَّ يَا دَافِعَ الْبَلَاءِ، اِدْفَعْ عَنَّا هَذَا الْوَبَاءَ وَالْبَلَاءَ وَالْمَرَضَ وَالشَّدَائِدَ وَالْمِحْنَ، بِلُطْفِكَ يَا لَطِيفُ إِنَّكَ عَلَى كُلِّ شَيْءٍ قَدِيرٌ وَبِالْإِجَابَةِ جَدِيرٌ.	18
رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ ﴿٢١﴾	19
عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٢١﴾	20
فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.	21